



Sámi allaskuvla
Sámi University College

SÁMI ALLASKUVLLA KVALITEHTASIHKARASTINVUOGÁDAT

Oppalaš oassi



Mearriduvvon Sámi allaskuvlla stivras, S 09/11, 14.10.11

1. Álgu

Universitehta- ja allaskuvláláhka § 1-6. geatnegahtta ásahusaid ahte sis galgá leat kvalitehtasihkarastinvuogádat.

Kvalitehtasihkarastinvuogádaga oppalaš oassi bidjá ulbmiliid ja rámmaid Sámi allaskuvlla kvalitehtasihkarastin bargguide. Oppalaš oasis maiddái bohtá ovdan ovddasvástáduš- ja bargujuohku kvalitehtasihkarastimis.

Sámi allaskuvlla kvalitehtabargu lea vuodđuduvvon:

- Universitehta- ja allaskuvláláhkii
- NOKUT lánkaásahus kvalitehta ektui alit oahpus
- WINHEC kvalitehtamihtuide

Sámi allaskuvllas leat čuovvovaš stivrendokumeanttat mat maiddái leat vuodđun kvalitehtabargui:

- Strategiiaplána
- Ehtalaš rávvagat
- Kvalitehtasihkarastinvuogádaga oppalaš oassi

2. Sámi allaskuvlla kvalitehtasihkarastinvuogádat

Sámi allaskuvlla kvalitehtasihkarastinvuogádat galgá leat reaidun sihkarastin dihte ahte Sámi allaskuvlla doaimmain lea alla kvalitehta ja ahte lea čađa gaska kvalitehtaovdáneapmi.

Kvalitehtasihkarastinvuogádat galgá leat reaidun duohtan dahkat Sámi allaskuvlla ulbmila eamiálbmotásahussan mii seailluha ja ovddida sámegeiela, sámi kultuvrra ja servvodagaid. Sámi allaskuvla lea ásahuvvon earenoamážit vuhtii váldit sámi beroštumiid ja dárbbuid alit oahpahusa ja dutkama oktavuodas. Allaskuvla galgá oahppofálaldagaidis bokte buvttadit kandidáhtaid geat oahpu bokte leat háhkan máhttu, dieđuid ja gelbbolašvuoda mat lea ávkkálaččat sihke studeanttaide alcceseaset ja sámi servodaga dárbbuid ektui.

Sámi allaskuvlla mihtu lea ahte kvalitehtasihkarastinvuogádagat galgá:

- sihkarastit oahpuin alla kvalitehta
- sihkarastit buori oahppobirrasa studeanttaide
- sihkarastit ahte studeanttat čadahit oahpuid áiggil buriid bohtosiiguin

Sihke bargit ja studeanttat galget dovdat ja oamastit kvalitehtasihkarastinvuogádaga, ja searvat kvalitehtabargguide. Kvalitehtasihkarastinvuogádat galgá leat ealli vuogádat, mii čađa gaska ovdána. Kvalitehtasihkarastinvuogádat galgá sihkarastit ahte kvalitehtabargu doaibmá ja ahte fuomáša kvalitehtaspiehkastemiid.

Kvalitehtasihkarastinvuogádat galgá sihkarastit ahte duhtada sihke siskkáldas ja olggobeale ásahusa kvalitehtagáibádusaid:

- *Kvalitehtasihkarastin studeanttaid ektui*

Kvalitehtasihkarastinvuogádat galgá sihkarastit buori kvalitehta studeanttaid oahppama ja oahppobirrasa ektui ja buori kvalitehta studeantabálvalusaid dáfus. Vuogádat galgá čilget proseassaid ja rutiinnaid mat leat čatnon oahppanproseassaide ja oahppobirrasii, ja mat movttiidahttet studeanttaid searvat bargui.

- *Kvalitehtasihkarastin siskkáldasat ásahusas*

Vuogádat galgá leat mielde huksemin nana kvalitehtakultuvrra ja vuogáidahttit proseassaid ja rutiinnaid nu ahte sihkarastá buori resursageavaheami, ja ahte olaha plánejuvvon mihtuid

- *Kvalitehtasihkarastin olggobeale ásahusa gáibádusaid ektui*

Kvalitehtasihkarastinvuogádat galgá oahpuid ulbmiliid, sisdoalu ja vugiid ovddidit nu ahte duhtadit servvodaga dárbbuid ja sihkarastá oahpuid relevánsa. Vuogádat galgá sihkarastit ahte Sámi allaskuvla čuovvu lágaid ja njuolggadusaid ja muđui eiseválddiid gáibádusaid ja vuordámušaid.

- *Kvalitehtasihkarastin eamiálbmotásahussan*

Sámi allaskuvla galgá leat mielde gokčamin sámi servvodagaid dárbbuid dutkamii ja oahpu hárrái, iežas fágalaš profiila siskkobealde. Sámi allaskuvlla doaibma galgá čuovvut ja oasálastit eamiálbmogiid oahpahusa ja dutkama ovdáneapmái, ja čuovvut WINHEC kvalitehtamihtuid dutkan- ja oahpahusdoaimmain. Sámi allaskuvllas galgá doaimmas bokte váikkuhit dasa ahte dieđalaš máhttu huksejuvvo árbevirolaš kultuvrra ja luonduipmárdusa ala, ja sihkarastit ahte doaimma bohtosat gaskkustuvvojit servvodahkii.

Sámi allaskuvlla kvalitehtasihkarastinvuogádagas leat 5 kvalitehtadimenšuvnna:


- Sisaváldinkvalitehta
- Oahppokvalitehta
- Eksámenkvalitehta
- Dutkankvalitehta
- Rámmakvalitehta

Kvalitehtagiehtagirjjis, mii lea Sámi allaskuvlla neahttasiiddus galget leat čielga mihtut juohke kvalitehtadimenšuvnna ektui. Kvalitehtagiehtagirjjis galget maid leat čilgejuvvon doaimmat, ovddasvástideaddji, čađaheaddji ja relevánta dokumeanttat / njuolggadusat.

3. Organiseren ja ovddasvástáduš

Sámi allaskuvlla kvalitehtavuogádat lea vuodđuduvvon allaskuvlla organisašuvdnii. Lea dehálaš ahte lea čielga ovddasvástádušjuohku organisašuvnnas, muhto seammás galgá olles organisašuvdna searvat ovdánahttinbargguide.

Sámi allaskuvla organisašuvdnakárta:



Ovddasvástáduš- ja bargujuohku

Allaskuvlastivra lea allaskuvla bajimus stivrenorgána, mas lea bajimus ovddasvástáduš kvalitehtasihkarastimii Sámi allaskuvllas. Sámi allaskuvla stivra mearrida kvalitehtasihkarastinvuogádaga oppalaš oasi, ja mearrida dán bokte oppalaš rámmaid Sámi allaskuvlla kvalitehtasihkarastin bargguide. Sámi allaskuvlastivra meannuda jahkásaččat kvalitehtaraportta, mii addá ollislaš gova Sámi allaskuvlla kvalitehtasihkarastindoaimmain ja kvalitehtaovdáneamis.

Čuovvovaš jođiheddjiin ja stivrenorgánain lea earenoamáš ovddasvástáduš kvalitehtasihkarastinbargguide:

- Rektor lea ášahusa bajimus fágalaš jođiheaddji ja stivrajođiheaddji. Rektoris lea, stivrajođiheami olis, bajimus ovddasvástáduš ja jođiheapmi ášahusa doaimmas ja dán gozihit.
- Allaskuvladirektevra lea Sámi allaskuvlla hálddahušlaš jođiheaddji, daid rámmaid vuodul maid allaskuvlastivra mearrida. Direktivrras lea ovddasvástáduš dasa ahte kvalitehtasihkarastinvuogádat doaimma ulbmiliid mielde, ja ahte kvalitehtabarggut čađahuvojit ja ahte kvalitehtabarggut jahkásaččat árvoštallojuvojit ja raporterejuvojit stivrii.

Allaskuvladirektevrras lea bajitdási ovddasvástádus buot hálddahušlaš ovttagaid kvalitehtasihkarastinbargguide.

- Fágahálddahushoavddas, Dutkan- ja oahppohálddahuš, lea operašunealla ovddasvástádus kvalitehtasihkarastinvuogádaga doaimmaheapmái ja ođasmahttimii. Hálddahušhoavddas lea ovddasvástádus hálddahušlaš láhčit dili sisaváldin-, oahppo-, eksámen-, ja dutkankvalitehtii, lagas ovttasbargguin goahtejođiheddjiiguin.
- Sámi allaskuvlla hálddahušlaš ovttagaid jođiheddjiin (gaskajođiheaddjit) lea ovddasvástádus iežaset ovttagaid kvalitehtabargguide ja ovdáneapmái.
- Dutkan- ja oahppostivra (DOS) galgá sihkarastit kvalitehta ja kvalitehtasihkarastinortnegiid Sámi allaskuvlla doaimmain. DOS mearrida dárkileabbo kvalitehtamihtuid ja ortnegiid daid iešguđet kvalitehtadimenšuvnnaide mat gusket oahpuide ja dutkamii. DOS galgá gozihit fágalaš birrasa, oahppobirrasa ja doarjjadoaimmaid kvalitehta. DOS mearrida ja ođasmahtta árvvoštallanvuogádaga- ja ortnegiid mat leat oassin kvalitehtasihkarastinvuogádagas.
- Goahtejođiheaddjit jođihit Sámi allaskuvlla fágalaš ovttagaid, fágagođiid. Goahtejođiheaddjis lea ovddasvástádus čuovvolahttit ja ovddidit kvalitehtasihkarastinbargguid iežas fágagoađis. Čujuhuvvo S-áššái 05/09 mas boahá ovdan fágagođiid mandáhta ja goahtejođiheddjiid bargosisdoallu.
- Oahppobiraslávdegottis lea ovddasvástádus leat mielde plánemin doaimmaid oahppobirrasa ektui ja dárkkistit studeanttaid sihkarvuoda ja čálgu.

Bargit galget váldit ovddasvástádusa iežaset barggu kvalitehtii. Bargit galget čađat bargat iežaset kvalitehtabuoridemiin ja beaktivuodain.

Studeanttain lea ovddasvástádus iežaset oahppamii. Studeanttain lea maid ovddasvástádus aktiivvalaččat searvat oahppobirrasa ja oahpuid ovddideapmái ja buorideapmái. Studeanttain lea ovddasvástádus searvat árvvoštallamiidda mat leat oassin kvalitehtasihkarastinvuogádagas.

4. Kvalitehtadimenšuvnnaid váldomihtut

Kvalitehta eamiálbmotásahussan

Rektoris, ásahusa bajimus jođiheaddjin, lea ovddasvástádus sihkarastit ahte Sámi allaskuvlla doaimmat leat mielde doarjumin ulbmila leat njunuš sámi ja eamiálbmotásahus. Dát mielddisbuktá ahte WINHEC kvalitehtamihtut galget doaimma vuodđun. Goahtejođiheddjiin lea ovddasvástádus ahte iežaset fágagoađi oahpahuš- ja dutkandoaimmat dorjot dán ulbmila.

Sisaváldinkvalitehta

Sisaváldinkvalitehta guoská sihke formála gáibádusaide mat gusket sisaváldimii ja sisaváldima bohtosiidda. Buriin sisaváldinkvalitehtain oaivvilduvvo ahte Sámi allaskuvllas leat doarvái ohccit ja ahte ohcciin lea buorre dássi sin ovdalgihtii máhtolašvuodas.

Sámi allaskuvllas galgá leat buorre sisaváldinvuogádat mii fátmasta proseassaid rekrutterema rájes gitta ođđa studeanttaid vuostávdimii. Sámi allaskuvla galgá sihkkarastit kvalitehta dieđuin mat raporterejuvvojit siskkáldasat ja olggudasat. Sámi allaskuvla galgá systematiseret ja analyseret čoavddaloguid ja doaimmaide mat gullet studeantasisaváldimiidda. Dát dieđut galget leat mielde jahkásaš raporttas stivrii.

Dutkan- ja oahppostivrras lea ovddasvástádus sisaváldinkvalitehtii. Fágahálddahushoavddas lea ovddasvástádus hálddahuslaš láhčit dili buori sisaváldinkvalitehtii.

Oahppokvalitehta

Oahppokvalitehta guoská dilálašvuodaide mat váikkuhit studeanttaid oahppanprosessii, ja dakko bokte dasa man ávkkálaš oahppu lea studeanttaide. Oahppokvalitehta sisttisdoallá prográmmakvalitehta, oahpahuskvalitehta ja relevánsa sámi servvodaga dárbbuid ektui. Dát doibmet ovttaš ja váikkuhit nubbi nubbái.

Sámi allaskuvllas galgá leat vuogádat mii sihkkarastá buori oahppokvalitehta. Guovddázis oahppokvalitehtas leat árvoštallamat, ja Sámi allaskuvllas galgá leat vuogádat oahppokvalitehta árvoštallamiidda iešguđet dásiin ja vuogádat árvoštallamiid čuovvolahttimii. Dát dieđut galget leat oassin oahppoásahusa jahkásaš raporttas stivrii.

Dutkan- ja oahppostivrras lea ovddasvástádus oahppokvalitehtii. Goahtejođiheddjiin lea ovddasvástádus sihkkarastit buori oahppokvalitehta ja kvalitehtaovdáneami iežas fágagoađis. Fágahálddahushoavddas ja oahppohálddahusas lea ovddasvástádus hálddahuslaš láhčit dili buori oahppokvalitehtii.

Eksámenkvalitehta

Eksámenkvalitehtii gullá studeanttaid oahppanávki ja oahpu relevánsa oahppoplána mihttomeriid, studeantta persovnnalaš ovdáneami ja čađaheami ektui. Sámi allaskuvla galgá bargat dan guvlui ahte nu olu studeanttat go vejolaččat ožžot buriid fágalaš bohtosiid ja čađahit oahpuid dábálaš oahppoáiggis. Sámi allaskuvla galgá čuovvut našuvnnalaš ja báikkálaš eksámennjuolggadusaid

Sámi allaskuvllas galget leat vuogádagat ja rutiinnat eksámena oktavuodas, ja sihkkarastit kvalitehta dain dieđuin mat raporterejuvvojit siskkáldasat ja olggudasat. Ásahus galgá systematiseret ja analyseret čoavddaloguid mat gullet eksámenbohtosiidda. Dát dieđut galget leat oassin ásahusa jahkásaš raporttas stivrii.

Dutkan- ja oahppostivrras lea ovddasvástádus eksámenkvalitehtii. Fágahálddahushoavddas ja oahppohálddahusas lea ovddasvástádus hálddahuslaš láhčit dili buori eksámenkvalitehtii.

Dutkankvalitehta

Dutkankvalitehta sisttisdoallá dutkiid dieđalaš bargodili Sámi allaskuvllas ja dan ulbmil lea sihkarastit systemáhtalaš vuhtiiváldima allaskuvlla dutkangelbbolašvuodas. Guovddážiis dán kvalitehtadimenšuvnnas leat dutkanbohtosat. Sámi allaskuvla galgá láhčit buori eavttuid dutkama čađaheapmái. Sámi allaskuvla galgá sihkarastit dutkanbohtosiid almmuheami ja gaskkusteami servvodahkii. Sámi allaskuvla galgá maid sihkarastit ahte dutkanbohtosat bohtet ávkin Sámi allaskuvlla siskkáldas ovdáneapmái ja oahpahussii.

Sámi allaskuvla galget leat doarjjadoaimmaid mat sihkarastet buori jođiheami, oktiordnema ja raporterema ásahusa ollislaš dutkan- ja ovdánahttinbargguin. Ásahus galgá systematiseret ja analyseret čovddaloguid ja doaimmaid mat gullet dutkamii. Dát dieđut galget leat oassin ásahusa jahkásaš raporttas stivrii.

Dutkan- ja oahppostivrras lea ovddasvástádus dutkankvalitehtii. Goahtejođiheddjiin lea ovddasvástádus fágalaččat čuovvolahttit ja láhčit dili buori dutkankvalitehtii iežas fágagoađis. Fágahálddahushoavddas ja dutkanhálddahas lea ovddasvástádus hálddahaslaš doarjjadoaimmaide.

Rámmakvalitehta

Sámi allaskuvla galgá fállat ođđaáigásaš vuodđostruktuvra, teknologijja ja bálvalusaid oahppo- ja dutkandoibmii. Sámi allaskuvllas galgá leat buorre ja beaktilis bargobiras mii joksá biddjojuvvon mihttomeriid. Geavaheddjiidguvllot- ja oassálastin, stabilitehta, beaktilvuohta ja bálvalankvalitehta leat dehálaš mihttomearit rámmakvalitehta buot osiide.

Allaskuvladirektevrras lea bajitdási ovddasvástádus buot hálddahaslaš ovttadagaid kvalitehtasihkkarastinbargguide. Dáid ovttadagaid gaskajođiheddjiin lea ovddasvástádus iežaset ovttadagaid kvalitehtabargguide ja ovdáneapmái. Lea gaskajođiheddjiid ovddasvástádus ahte doibmii ráhkaduvvojit rutiinnat ja systemat ja ahte dat čuvvojuvvojit.

Kvalitehta spiehkasteamit

Spiehkasteapmi lea kvalitehtamihtuid váilevaš olaheapmi. Spiehkasteamit leat maid dilálašvuodát ja dáhpáhusat mat hehttejit Sámi allaskuvlla doalahit ja buoridit kvalitehta. Sámi allaskuvlla bargiin ja studeanttain lea ovddasvástádus dieđihit spiehkastemiid, spiehkastatvuogádaga bokte mii lea ásavuvvon dan vástte. Dutkan ja oahppostivrras lea ovddasvástádus dán vuogádahkii, ja dát galget raporterejuvvo allaskuvlastivrii jahkásaš kvalitehtaraportta mielde.